

Comunu de
Serdiana
Provìntzia de Sardigna de giòssu
Bia Monsignor Saba, 10 09040 Serdiana



C.F. 01320970922
Tel. 070/744121 Fax 070/743233
giassu: www.comune.serdiana.ca.it
E-Mail: protocollo@comune.serdiana.ca.it
pec: comune.serdiana@pec.it

AMINISTRATZIONI TRASPARENTI

Su decretu legislativu **14 martzu 2013 n. 33** chi portat is dispositzionis in matèria de "Riòrdinu de sa disciplina chi pertocat is òbligus de publicidadi, trasparèntzia e spàinu de informatzionis da parti de sa pùblica aministratzioni", imbucatu is nobas chi s'ghint:

- benit fatu s'òbligu de publicidadi: de is situatzionis patrimonialis de is polìticus, e ereu intra su segundu gradu; de is atus de is procedimentus de aproatzioni de is pianus regulatoris e de is variantis urbanìsticas; de is datus, in matèria sanitària, chi pertocant is nòminas de is direttoris generalis, in prus is acreditamentus de is struturas clínicas.
- benit donada una definitzioni de su princìpiu generali de trasparèntzia: acessibìlidadadi intrea de is informatzionis ca pertocant s'organizatzioni e is atividadis de is P.A., cun sa mira de favoressi formas de cuntrollu po podi fai funtzionai is istitutzionis e in s'imperu de is resursas pùblicas.
- si fissat su princìpiu de s'accessibìlidadadi totali de is informatzionis. Su modellu pigau in consideru est cussu de su Freedom of Information Act americanu, ca assegurat s'accessibìlidadadi a chinisiat ca ddu pedit e a calisiat documentu o datu possèdiu da sa P.A., francu is casus aundi sa lei ddu escludit in manera crara (es. po motivus de siguresa).
- benit imbucau un' istitutu nou: su diritu de accessu tzìvicu. Custa forma noa de accessu mirat a amanniai su raportu de confiantza intrea tzitadinus e P.A. e a promovì su princìpiu de lagalidadi (e preventzioni de sa corrutzioni). Duncas, totus is tzitadinus tenint su diritu de pediri e otènni

ca sa P.A. publichit is atus, documentus e informatzions ca tenint e ca, po motivus calisiat, no ant incora bandiu.

- si prevedit s'òbligu po is giassus istituzionalis de fai una setzioni - Aministratzioni trasparenti - aundi ponni totu su chi stabilessi su provedimentu.
- benit disciplinau su Pianu triennali po sa trasparèntzia e s'integridadi - ca est parti diaci etotu de su Pianu de preventzioni de sa corrutzioni - e ca depit inditai is maneras de ponni in pràtica is òbligus de trasparèntzia e is punnas acapiadas cun su pianu de is arresultaus.